

陽武縣志卷之十

忠烈

致身事君人臣之壯業也。唐危授命士君子之木節也是以志切匪躬克艱圖報者固足炳宇宙而煥日星矣。卽若一命之榮百夫之長能衛社稷周軀以殉要皆激發天性百折不回于以羽翼綱常干城名教數千載後猶凜凜有生氣焉。

漢

陳平字孺子見史記世家附藝文

毛寶字碩，兵陽武人。爲溫嶠平南叅軍。蘇峻作逆，寶領千人爲嶠前鋒。次茄子浦，會峻送米萬斛饋祖約。約遣司馬桓撫等迎之。寶設變力戰，悉獲其米。虜殺萬計。約用大饑，嶠遂上寶爲廬江太守。約遣祖煥、桓撫襲淦口。寶往救之。爲煥、撫所敗，箭貫寶髀。徹鞍寶使人蹋鞍，拔箭血流滿鞍。夜奔船所，百餘里望星而行。到先哭，戰亡。將士洗瘡，訖夜還擊煥。無破走之。進攻合肥，加寶督護。寶燒峻句容湖。

墩積聚峻既死封州陵縣開國侯祿六百戶詔以  
寶監揚州知江西諸軍事豫州刺史守邾城石虎  
惡之乃遣其子鑒與其將夔安李菟等五萬人來  
寇張貉渡二萬騎攻邾城寶求救于庾亮亮不肯  
救城遂陷寶率左右突圍出赴江死者六千人寶  
亦溺死雍正七年祀忠義祠

毛璩字叔連寶之孫璩之子爲謝安衛將軍叅軍除  
尙書郎轉安子琰征虜騎馬淮淝之役預征苻堅  
功遷淮南太守尋補鎮北將軍轉譙梁二郡內史

尋代郭銓爲建威將軍益州刺史桓元篡位遣使  
加璩散騎常侍左將軍璩執留元使不受命傳檄  
遠近列元罪狀遣巴東太守柳約之建平太守羅  
述征虜司馬。嘔季之擊破桓希等仍率衆次于白  
帝會元敗安帝反正進璩征西將軍加散騎常侍  
都督益梁秦涼寧五州軍事封歸鄉公千五百戶

明

吳加增字繼山世籍陽武人生而頽然七尺魁梧  
偉尤長子深吳兵法明季流寇猖獗所在蠶起

長以增勇而有智詳憲署爲千夫長統領鄉兵力  
保危城庚辰土賊張叛子聚衆劫掠將逼縣城增  
率本部百餘人禦之至合角集與賊遇直前搏戰  
賊圍之數重自辰至酉而救援不至轉戰至時家  
庄圍愈急增撫髀嘆曰此吾畢命之日也死不敢  
惜如一城生靈何奮勇衝擊身被數創然猶手刃  
六七賊馬蹶被獲賊誘以金帛使賺城門增厲聲  
大罵遂遇害事在崇貞十三年九月也有司以聞  
詔諭祭配享時公雍正七年奉

旨 入忠義祠

張琳字美五本縣人少負氣節諳韜畧慨然有建功立名之心與本邑吳加增相友善崇貞聞流寇四起檄州縣團練鄉兵推一人以主之邑長以二人名上蒙委俱爲劄付千總庚辰九月土賊張叛于聚衆數萬劫掠鄉村西南一帶悉遭屠戮二人分領本部百餘人進勦遇賊於合角集增陷陣先入馬蹶被害或勸琳潰圍走琳曰我與增奮身行伍誓爲朝廷殺賊今增獨死九泉下載何面目相見

也奮力衝殺賊衆披靡然衆寡不敵力竭爲賊所害

孝義

吾夫子行在孝經謂天之經也地之義也免擾雉  
馴之異固足紀焉至封體割膚拂經乖義儒者擯  
而不道而亦爲之羅載焉者以教孝也若夫讀書  
敦行之儒以及樂善好施之輩皆足廉頑厲鈍起  
百世之聞風者故并志之

孝行

南北朝

孫惠仕齊爲少府卿性至孝母服除後更修母所住處牀帳屏帷每月朔十五向帷悲泣旁人爲之感傷終身如此雍正七年祀忠義孝弟祠

唐

時惠珣天性純孝母篤疾艱動履珣扶持侍側飲食湯藥必嘗衣不解帶者歷五寒暑母疾竟瘳人咸異之事聞于朝詔旌其門令有司不時存問其家雍正七年祀忠義孝弟祠



韋嗣立承慶異母弟也母王氏遇承慶甚嚴每有杖  
罰嗣立必解衣請代母不聽輒私自杖母察知漸  
加恩貸議者比晉人王祥王覽由進士累官至中  
書令

明

高仲德少喪父及長商長興值兵亂失母挾貨走燕  
冀悲號道路求之竟于同商得母書數千里迎歸  
人以爲孝感所致洪武初舉孝廉授官見薦舉雍  
正七年祀忠義孝弟祠

劉大性至孝家貧值歲饑傭工以養父母父母相繼  
亾大徙跣營葬廬墓六年永樂間旌表其門雍正  
間祀忠義孝弟祠

蕭盛字世昌天性篤孝七歲母卒悲號如成人及長  
游邑庠執父母喪哀毀踰禮廬墓三載有黃犬青  
蛇之異鄉人上其事知縣景源爲立傳後判通州  
決十餘載疑獄人稱神君祀鄉賢孫雲鶴亦以孝  
聞

李麟邑庠生父早逝母歿執喪悉遵紫陽家禮廬墓

側朝夕哭奠形毀骨立知縣爲之刻其事于石  
正七年祀忠義孝弟祠

楊鵷字調英邑廩生家貧竭力事二親父卒哀毀盡  
禮後以歲貢授延安司訓道遺母老不能偕未幾  
以養親歸

崔珩家貧母病割股作膾以進母病遂愈直指嘉其  
貧而孝令本縣月給米三斗養其母祀忠義孝弟  
祠

劉洋與兄淵章稚時遭父憂父至成立淵亦壯

子洋撫之如己子洋有田四百畝庄一處及姪長與己子均分時人以爲難

馬錡弟銀早卒遺子曰全在襁褓母曹氏痛子銀蚤世幾不欲生錡扶曹慰曰誓與吾子同育及全長教以業儒食廩析產與子均邑宰扁其門且延爲鄉飲賓云

朱友義母喪朝夕號泣水漿不入口者五日旣葬獨寢三年不入私室父繼娶薛氏生二子友愛如同胞產悉讓弟事薛猶所生薛遭疾晝夜侍湯藥額

天願以身代薛疾隨愈人以爲孝感邑侯王公扁  
其門曰孝行祀忠義孝弟祠

張大振蚤喪母事繼母盡孝外內無間言撫兩異母  
弟成立受室家貧恬淡自娛授徒課子規範嚴密  
子慎爲登丙戌第

楊可愛事繼母以孝聞每食母未嘗不敢入口撫異  
母弟可生喪殮衣履必共之家無厚蓄獨捐資爲  
延名師教弟可生獲雋久稱孝友

李周傳性孝友事親問膳寢始終如一及拆爨

歿撫遺姪悉爲畢其姻尤倜儻喜施常有故人  
雪至衣泔泔不勝寒乃脫木綿裘贈之里不舉火  
者捐篋以贖每依內經治藥材貧者資以救濟享  
年九十餘子維翰亦以孝友稱

國朝

薛吉士廩膳生父陳偉監察御史卒于官生母賈操  
作勞苦士每躬代嫡母不許士號泣不食幾欲自  
盡嫡母感動待其母加厚後賈卒哀毀骨立勺水  
不入口者七日且稟縣欲守三年制時嫡母在堂

生母無丁憂例邑令安嘉其孝行詳請督學適部  
議頒發庶子爲生母丁憂文下因得終制人以爲  
純孝所感云

費芳玉芳金本縣民性孝友崇貞十三年大飢人相  
食逃亡過半會父尙鄉病芳玉兄弟枵腹守視備  
湯藥不肯頃刻離父病得痊至順治五年卒母張  
氏患癱症動輒需人兄弟負以周旋飲食手奉者  
三十四年壽九十而終芳玉兄弟同居共爨終身  
無間尤人所難芳金子璿理俱庠生亦終身同居

相好無尤人以爲家風孝友淵源有自云

楊又震字關西廩膳生才識通敏性行孝友父騰漢患惡瘡震遠求醫治醫宿之一空宅中宅素有鬼物醫不言震不知也因念父病不能寐啓扉危坐見一婦人抱嬰兒至見震疾趨避之俄又見一老人肩負小布襜伸頭探望若欲前不敢狀震意爲宅中人已起天將明矣呼醫同行寔則夜未央也爲述其事醫言宅無人住當是鬼物感君純孝不敢崇耳于時父病旋愈及父沒奉母每食必極



味撫二弱弟成立終身不異爨生平學宗程先達  
貫經史以數奇食餼以終子大生邑庠生

張士恒字月如本縣人母早亡事父統緒以孝聞時  
恒家號素封於父飲食起居必躬必親不稍委諸  
僮婢父性好施予恒先意承志不敢少違其妻孟  
氏亦孝敬天成每事佐之父卒晝夜涕泣寢處苦  
次不入內者三年卒以哀毀過甚染病不起易簣  
之日親友往視者猶見其傍柩而處苦塊未除云  
張士標字準公性極孝父缺右手士標就外傅於讀

書暇卽歸家代父取携不離左右旣娶後其婦亦  
賢孝越數載父母相繼亡安柩於中庭列禰榻備  
冠履及一切故物朝夕整頓無間每膳必供撤後  
方食黃河漲溢廬舍盡淹隣里悉逃去標夫婦相  
泣中庭曰吾安忍逃去而棄父母柩於水中也爰  
設蓆棚於房屋傾塌之上夫婦相守念餘日水始  
落遂卜地營葬其後食廩餼登賢書人以爲孝行  
所感

張國鑑字遠齋邑庠生事親至孝父故家道中落母

七十餘甘旨偶缺鑑必典云質庫市芳鮮以進母  
食已方就食不令母知也後得病瀕留謂其子曰  
我生不能養負罪良多我死當去我冠服無滋我  
戚也遂卒士人無不惜之

王章著邑庠生字遠猷永年長子性孝事繼母劉氏

每食必市甘脆以進母悅之遇病則供湯藥慎調

養早晚不離後父染癰瘻之疾動作維艱著左右

扶持衣不解帶者六越月以憂思過甚暴得火症

臨終惟以二人在堂葬事未舉爲憾卒年五十歲

子曰琮廩膳生

生員張珖陽武人性至孝事父文英母魯氏愛敬兼  
至母卒寢處苫次三年不入私室後父繼娶袁珖  
事如生母生弟瑤甫三月父卽世哀痛不食者三  
日扶杖而行竭誠盡禮無異前喪三載繼母袁亦  
亡斯時弟瑤方三齡恪遵繼母遺言愛撫幼弟及  
長延師教誨弱冠遊泮旋入成均兄弟同居白首  
無間邑侯安雅重之三請鄉飲介賓扁其門曰  
德兼隆邑侯顏亦扁之曰孝友流芳

靳悅字坦庵本縣人性至孝未成童人與以美好之物不遽食必進父母迨壯其父華裘以明經遊燕歸卽染病悅晝夜不離藥餌必嘗如是者二載父故悅哀毀骨立淚盡繼血三年不入私室母歿亦如之且于木主前每食必供數十年無間闔邑慕其孝行舉鄉飲耆賓邑侯扁之曰榮膺國典壽八十九而卒子三長雲孫次淑雲季本榮俱庠生李大受字巨公歲貢生爲人孝友天成與弟大經大謨大法共事繼母以孝稱母病兄弟輪侍數年不

意同居共爨者久于姓繁多皆守家法雅撫軍廉  
知其事扁之曰一門孝友

李喬林廩膳生事親先意承志久而彌篤及父病謂  
喬林曰吾年已七十四歲生平無不了之事所慮  
者汝兩弟尙未入庠汝必教之喬林跪而受命父  
卒卽于安樞之室課兩弟先後遊泮母張氏年高  
漸衰喬林同弟喬嶽喬松怡顏色養務得歡心及  
歿盡誠盡禮邑侯慕其學行延爲正誼書院師年  
六十而終

盧彤字伯一太學生父濬早亡母楊氏年僅十七誓  
守栢舟迺祖憐之取彤承繼時方垂髻卽勤問視  
之儀及稍長怡顏承志凡母所嗜必預爲備衣服  
必請母命擇其美好者剪裁稍不合意卽爲更換  
母性頗嚴間有小過督責彤匍匐下跪而請罪

非母解顏不敢輒起終母之身六十餘年不易其  
行及母卒哀慟擗踊寢食柩側尋以哀毀過度卒  
生員劉敷文生三歲失母父娶繼母張氏後父歿與  
伯父同居就外傳讀詩至哀哀父母生我劬勞之

句痛哭不能成聲繼母在堂奉養倍極其至及母卒寢處苫次者三載邑人士感其誠公舉孝行郡守朱福其門曰孝義可風

呂文陽武人世業農父淵出外久不歸文年十四遍訪數年後得骸骨于許州負之而歸學正孫用正爲之立傳見藝文

義行

漢

陳伯有田三十畝與弟平居伯嘗自耕縱平游學不



事家業或問平何食而肥其嫂嫉平游蕩乃曰食糠覈耳有叔如此不如無之伯聞而怒遂棄其妻

宋

時翁乃狀元邦美父逸其名爲鄭州牙校差赴成都市押綱年六十餘妻四十餘尙未有子妻謂翁曰妾有百金君可携至成都求一妾爲身後計翁至成都市一女白布總其角詰之女泣告曰父都下人爲州掾卒扶櫬至此不能歸驚妾營辦時公惻然卽以金代爲營辦送櫬及女歸都下事竣辭回

里妻問買妾事具以寔告妻曰濟人急陰德莫大  
當更爲君圖之未幾妻有孕夢數人披衲擁一金  
紫人留堂中及旦生邦美舉進士第一官吏部尙  
書人以爲陰騭報云

明

孟真儒新店保人學問淵雅常以古人期待由貢任  
鹽山丞賢能懋著工部廉其才檄督修居庸等關  
邊隘勞績稱最轉崇府紀善時父紫陽令在堂乃  
日觀老垂白奈何升斗是糜遂致歸日以媿親爲

事里稱孝子喪偶年尙強也竟不再娶歸居三十  
餘年邑宰扁其門曰孝義流芳年八十六而終臨  
危召子孫至榻咏一聯以訣之曰平生無一事欺  
天今日送百骸歸地人至今誦之雍正七年祀忠

義

劉銳家世殷寔讀書識大義文廟兩廡社學傾圮乃  
白邑宰捐金修建之

劉振爽諮有量正德戊辰歲大飢捐粟活人以萬計  
嘉靖甲申再飢賑貸如前雍正七年祀忠義祠

趙應聘本縣南門一帶因河溢崩決聘捐資修築施  
義塚四畝厝棺三百餘以惠死而無歸者祀忠義  
工守政耘於田拾白金一橐知爲行旅所遺卽輟耘  
以待俄有人號泣而來叩其故曰吾光化吳守中  
父任某處倉官因補倉糧令中回籍變產得白金  
若干以贖父罪不意假寐田畔作而遺失守政廉  
其寔携囊付之守中願割半爲謝堅却不受嘉靖  
丙寅年事也後二十餘年爲萬歷丁亥復有孟懷

恩還金事出一轍

王尚賓邑宰生縣修葺學宮尚賓捐百金建奎樓獲  
出資創建名宦鄉賢二祠

王添輔費春元萬歷戊子疫死者貧不能葬各施棺  
五百有奇澤及泉下孟懷恩爲三大塚以瘞死於  
道路者

費春元歲飢出困粟以飯餓夫道有死者施棺掩其  
骸

李萃然精于醫養叔繕撫猶子拾金還主鄉里咸德  
之

王守德邑博士弟子員慷慨好義祖產悉讓弟買義  
田三頃以濟族人之貧乏者居家恪守司馬溫公  
訓邑侯魏公申請恩賜儒官有子三長用中登賢  
書次時中歲薦三執中庠生

曹克恭建立藥局以惠貧病施襪杼人感挾續且繕  
膠庠修義學有裨宮墻云

蕭峻躍邑庠生盛之曾孫雲鶴子聘廣文蘭問女女  
因病損問遺書謝姻事峻曰此女問名後卽吾妻  
也惡疾庸何傷遂夫婦偕老焉

國朝

王拱極用中長子早入庠輕財重義撫孤姪儲如己  
子子侗早逝遺孫永祚聘授貢游省邦女因病喪  
明省邦將謝姻事極曰吾孫若失目爾女可更適  
乎後祚戊午闈卷本房未闈署門搖動者再因以  
此卷呈主司獲雋揭榜後房考述其事以問必有  
陰陽之報祚以吾祖不允贅女退婚事對房考愕  
然曰爾家四世科第五世歲薦書香綿延者十數  
世要皆陰陽所致也

朱大州邑民性仁孝母疾額天以身代與兄析居讓  
出數頃值歲大稔捐助衣食施棺槨掩暴骼德孚  
里閭推爲鄉飲耆賓扁其門曰葛天遺子云

馬世名字新圖雄之裔順治二年舉茂才委署杞縣  
訓導爲人端方正直好行其德有疏族子家無斗  
筲欲逃他鄉世名給田頃餘並牛具安置之琪亦  
世名疏族家貧以罪繫獄當死闔家八口嗷嗷待  
斃世名月給衣食周濟三年後遇赦琪得釋家人  
完聚他若贖葛姓之妻雪周姓之冤義行丕著子



晉歲進士孫三長克生廩膳生次蘊生邑庠生季  
震生歲貢生

王紹素廩膳生性孝友父亡後兄弟友愛終身無間  
設立義學成就人材每檢經驗良方製爲藥品以  
濟貧乏有生員耿姓與監生李姓以墳地相爭久  
而不休素卽慨出己風水地十畝給之遂息其事  
康熙五十一年祀鄉賢

劉敬躋字聖功邑庠生純孝友愛輕財重義堂叔振  
漢無嗣家貲蕩盡逋負不下百金敬躋慨抵其數

迎歸奉養如禮殯葬鄰南友人夏小泉三喪未舉  
鹽門求助敬躋卽賻粟五秉瘍醫包行健遭荒年  
日不舉火敬躋以木棉二十鈞給其售市資食西  
商郭姓就敬濟買棉花訛筭多交二十金客去功  
追還之本邨設立義塾多所成就其他出困鹿飽  
蒙袂者難以枚舉後壽七十九歲終子四長承文  
邑庠生次承行廩膳生三承忠丁酉舉人鄉飲大  
賓四承信侯選經歷

程希聖本縣人八歲父母雙亡兄希元移居原武舉

焚焚無歸自爲營運至三十歲積金千兩請兄歸家時元誤犯原武塩法解往天津聖憂懼悲涕携銀三百兩至天津鳴于當道罪得釋歸家遂與兄

同處終身不分彼此母舅姬化一子落魄聖迎養家中二十餘年化歿備棺槨以葬之後化子感德來償分文不受子守信安土孫思捷奏捷俱庠生

張尊性字西銘增廣生爲人篤寔長垣縣人朱貴宇在陽武賣書爲業後歸家病故妻子無依來至陽武將行乞性與房二問周以衣食迨其子稍長爲

之婚娶至今子女森森咸尊性之賜也母舅朱夢  
麟無子性迎養於家三十餘年歿后備衣衾擇吉  
地以葬之遠族張叢有地四頃餘爲河決所浸不  
堪耕種逋賦累年舉家逃亡性爲營辦賣已田以  
代完國課歿後人慕其德公舉義行雅大中丞扁  
其門曰令聞不已

王永年字姊庵邑庠生用中之曾孫儲之子慷慨好  
義有牟民張忠父死不能殮年爲市棺令得歸葬  
本邑人郭榮母死高昇父死張一漢夫婦死俱赤

貧不能具棺者年皆一一代爲市買以葬之族孀  
樊氏老而無子貧不自贍年迎養于家二十餘年  
沒後以禮葬之他如退李秀產助劉春婚善事未  
可枚舉子章著生員見孝行炳生員有父風

李如璧本縣人心存濟物與人無競有生員吳二方  
家貧質其地於邑人堵敬庵得銀五十三兩因被  
酒遺失璧拾得之酒醒方復向堵姓索取彼此爭  
持將訟于官璧廉知其情親至其家原銀交付方  
感泣願割半爲謝堅卻不允武陟縣故友張悅一

子年三十貧不能娶助米麥十石銀十五兩使之  
婚配後悅子成家費銀來償分文不受年八十三  
而終子二長煌由庠生入國學次煒奎文闈典籍  
樊振凡字斗南本縣人性孝友父歿與兄了凡同居  
每事必諮而行敬如嚴師兄亡寡嫂毛氏秉家政  
奉事一如兄在時兄乏嗣以孫福族嬭霍氏老而  
無子月給衣糧使無凍餒三十年如一日子宏宗  
增廣生

王元諮字公延紹素子兄弟同居六十餘年析產日

推讓美產仍各代完一年糧銀設立義塾教訓周鄉子弟如生員李維一屈昌祚皆所成就戊子年飢煮粥太平鎮以賑貧窮老幼不能就食者每人日與雜糧二升邑侯汪旌其門曰澤沛鄉閭又施地二段作漏澤園乾隆六年奉

旨建孝義坊以獎之崇祀忠義祠

苗芸本縣人家貧性至孝傭工養母一日同鄰人張大周周克順苗文贊在芸祖墓處爲人托坯芸糶地得白銀十兩情願瓜分衆不肯芸曰克順現有

父喪未葬大周有母八十此拾來之物我豈可獨  
取相讓者久之卒分焉人高其義聞于上尹大中  
丞扁其門曰義讓可風

生員李耀彩本縣人弱冠賦采芹事繼母盡孝其叔  
早亡遺堂弟二長發彩甫七歲次生彩尚在襁褓  
人視爲奇貨曰此儿上肉也耀彩挺然捍禦外侮  
悉平後發彩勤儉成家生彩入庠廉膳皆感見之  
教誨所致輝縣庠生劉元吉困窮無策變姓名求  
婦傭工于耀彩家耀彩廉知其情遂加優禮崇以



西席邑侯顏扁獎曰譽高月旦時有兩宦相爭累  
月不結耀彩爲之排解渙然冰釋儒學吳扁獎曰  
遺直可風壽八十四而終有子三長愈振鄉飲介  
賓次丕振庠生季永振增廣生

監生毛珩字楚玉本縣人慷慨好義康熙三十三年  
大軍北征檄各郡邑幫助軍務珩家素養走騾一  
頭價值五十餘兩卽具呈邑令願出騾以助軍務  
令扁其門曰尙義可風

梁瑛本縣人由庠生入國學性好施予周惠閭黨康

熙二十九年歲飢流民載道邑令設法煮賑瑛捐  
谷一百石以活貧黎申詳上憲巡撫聞扁其門曰  
義浹鄉黨

生員馬蘊生晉之子承祖父遺風雅意嚮善康熙二  
十九年春歲大飢邑侯煮粥賑貧蘊生不俟簿記  
自輸粟五十石助賑邑侯扁其門曰閭閻仰賴後  
享高年膺鄉飲介賓復有品端行卓善行可風兩  
額旌獎

張愈大字茂宏邑庠生性孝友胞叔士淳無子身亡

而嗣未定大審將銀錢器物食貨等類籍之於簿  
然後訪查同堂昆季中得其人極力調處俾承叔  
嗣二年之後查點向所籍之物分毫不爽人服其  
公至于家中所養婢女及笄之年必令其父母自  
爲擇配邑侯吳重其爲人鄉飲酒禮延爲介賓

王廷銓字其相元詔子爲人輕財好施庚戌歲邑大  
飢村人不舉火者如曹翰李植楊小軒王顯揚等  
二十餘家銓皆捐贖積以活之太平鎮南一帶地  
勢卑下值霖雨行人病涉銓雇工修壘百十餘丈

以利行人乾隆五年巡撫雅扁其門曰善爲國紀  
張韜國學生孝友樂善有耀縣人侯正值荒年孳家  
逃他方路經韜門韜見而憐之助之柴米銀兩遂  
歸家又有貧人趙光喜貧不能舉火詣韜乞貸韜  
卽與粟五秉康熙辛丑壬寅年間黃水漂沒邨墟  
穀價昂騰韜施雜糧百餘石以濟貧困凡病死無  
依者施棺施衾不可以數計遠近咸稱長厚公廉  
善良雅大中丞旌之曰孝友樂施

論曰忠孝義烈之行通天地泣鬼神毅然凜然驕

匪淺邑前代遠無可徵近世芳徽鯁節轟烈姓名  
者接踵而見取而志之其風勵末俗之大端歟然  
一鄉一邑猶恐囿於見聞綴缺搜遺是在後之採  
風者

列女志

余讀劉子政列女傳未嘗不悲其過惜其志也有以  
節著者有以烈著者事人之母字人之子青年勵  
節白首完貞固足光彤管矣至不得已而以烈著  
執情奮義決絕明志亦皆可愧巾幗之懷二心者

陽江縣志 卷之十一  
焉其間已旌未旌均宜志之以垂女範

明

張氏陳三妻也三歿張年二十有五家貧子幼舅姑老張傭手指供晨昏無怠舅姑憫其勞諭之再醮張謂人曰若如此吾當舉志于井父母宗黨強之終不屈壽八十終有司上其事旌表之

蕭氏邑人崔五之妻勤執婦道崔邁疾臨危囑曰我死汝善保豎子蕭泣應時年十九也子二長纜三齡次甫數月家無儋石儲匍匐夫喪織紡自給有

司聞于朝旌其門

孫氏陳子英妻飛虎衛卒洪武初從軍北征謂孫曰  
吾生死未可知幸有二弱息其以累君孫曰君但  
行吾母子勿煩憂也子英死于戰父母欲更嫁之  
孫泣曰吾不忍背夫而生卽欲自盡父母懼而止  
孫氏名淑貞郭寧之妻幼聰敏母教以列女傳頗曉  
大義旣長配郭寧以疾卒淑貞年十九守節始終  
無渝有司上其事旌表其門邑給事毛志爲之傳  
孟氏主簿孟禮女適鄉民毛寧年二十二稱未亾人

至八十終與姪婦馬氏並著婦節

馬氏毛澄妻澄早亡無子氏守節四十年與婦孟氏  
比鄰相礪以志且事孀姑始終不懈及歿殯葬以  
禮人稱其節孝有司上其事旌表其門

邢氏生員江朝賓妻正德丙子大疫姑與夫胥亡翁  
亦染疫氏日奉湯藥無少懈翁歿少瘥氏卽夫柩  
前抱棺痛哭自縊里人爲之相向悲泣邑侯朱卿  
備棺禮葬上其事以聞

朱氏邑掾李寧妻年二十五歲而夫亡無子止



女在襁褓笑哭無依織紡以自給夫族有欲奪其志者氏以死自誓衆懼而止鄉人咸謂有拍舟之風云

米氏劉忠妻忠早卒米氏孀居撫遺孤璉及璉成立娶王氏而璉卒撫孤孫裕及裕長娶董氏又卒三世同節

張氏鄉民李用周妻年二十而夫亡子女無所出矢志守節孝養繼姑孀居四十年始終不渝有司以

其事聞旌表其門

馬氏馬銘女適邑人單復宗年二十四而夫亡遺子  
尙在襁褓氏守節七十年如初與姊毛澄妻爲比  
鄰鄉人以雙節美之

孟氏生員王調鼎妻年十九鼎卒子甫三歲家計蕭

然氏奉姑曲謹撫幼子三友成立未幾子婦竝逝

撫遺孫補邑庠弟子貞孀居六十餘年大叅念公

廉知其事賜米一石布一疋肉十斤以示優恤巡

撫蔡公題其門曰貞節

李氏貢士黃廷贊妻贊入監事竣甫歸卒室好禮  
氏匍匐營葬教子就傅年逾八十知縣張公扁其  
門以爲俗勸

毛氏鄉民婁岑妻岑卒氏二十有二始垂老二子俱  
幼姑沒成禮以葬二子早逝撫遺孫教以讀書兩  
孫補邑庠生成以爲撫育之功云

龔家寨烈婦失其名未知誰氏妻正德壬申流賊至  
見婦有姿色欲污之婦曰頭可斷身不可污賊迫  
之婦忿詈不絕賊怒戮之

李氏劉櫃之妻櫃卒氏年十八謂姑曰爲覓一櫬可  
容兩人者衆駭然環守之一夕少懈遂縊櫃前乃  
啟夫柩而合殮焉知縣牛宗顏上其事乃旌其閭  
蕭氏雲鶴女蘭尙敬妻尙敬早歲失怙母焦氏先以  
守節著尙敬娶蕭未幾卒有諷蕭氏以再適者蕭  
曰吾家衣冠裔獨不能克繼姑志乎時年才二十  
有二也知縣王公扁其門曰貞節後數十年姪孫  
女亦以節行著於孟門人以爲蕭之闡教云

曹氏臨淄丞守知女邑民費茂元妻年二十二而夫

亾遺孤廉甫一歲氏撫成立及子逝有婦撫遺孤  
笑笑無倚賈有婢韓氏賈幼所育也慕賈亦以孀  
居不他適三氏各依女紅以存活與論賢之邑宰  
廉其事扁其門曰一門孀苦

党氏生員張鳳之妻鳳卒党年二十有五撫遺孤憲  
誓不再醮憲娶婦楊氏尋卒遺腹生一子婦姑竭  
力撫育之翁嗣賴以不斬屍道屢加旌卹題額曰  
一門雙節

郝氏趙體健妻健故氏年十九歲一子方週氏欲

夫姑以撫孤勸之氏紡績供舅姑教子性熅列貴  
序年七十二卒奉旨旌表扁其門曰貞節

王氏生員吳志元妻鄉宦王從政女年十六歲適志  
元夫故氏年二十四守節七十七歲卒學道裘場  
馬氏斬自敏妻鄉宦馬伯選女年十六歲適自敏夫  
故氏年二十一歲生子氏守節四十餘年撫煥  
扁獎

溫氏耆儒炳之女笄年歸趙遠萬歷戊子大飢北屋  
病瀘疫溫氏佐舅姑散粟全活者甚衆未幾

與遠俱病故氏年二十四歲遺孤繼業甫五齡氏誓柏舟孀居六十歲孫賓舉于鄉十餘年八十八卒當時戚屬欲以節操上聞氏曰奈何以家門荼苦事相誇揚乎里人稱爲節壽云

姚氏生員馬榮業妻業病革時止側室劉氏生一子世名甫二歲囑姚曰以是藐孤相辱姚泣曰矢靡慝惟此子焉是依子病瘖幾就木姚含饒吮哺得甦性嚴重而遇劉獨厚二氏相倚爲命者垂四十年撫孤世名及孫晉皆有成

李氏生員何其哲妻哲故氏年二十五遺子四人氏撫成立三遊庠序事姑克盡婦道憲使廉其事表其門曰節勵松筠

張氏生員王風振妻風振故遺子澤溥澤久方垂髫氏倚女紅養病姑脫簪珥供二子修贄二子並賦采芹前後貢太學一光山一羅山司鐸人以爲節孝之報云

郝氏鄉民湯相妻相卒氏方二十九歲遺男良臣方三歲度日艱窘紡織爲生不以貧寒易志堅守



十一年育子成人蒙按院學道本府扁其門曰繼  
美柏舟

張氏邑民單一萼妻夫早卒室如懸磬遺子守已竭  
力撫育守節五十餘年翁瑄任陝西延長諭年踰  
八袞氏日夜紡績供養無少懈瑄卒棺槨殯葬悉  
辦成禮時鄉人稱曰張孝婦云

張氏袁志忠妻崇貞十三年歲大飢土寇猖獗有羣  
賊自村西南來掠人而食鄉民各鳥獸散志忠夫  
婦俱被擒走數里氏痛哭曰夫婦俱斃家滅絕矣

不求饒已但願赦其夫賊義其言回解其夫縛而  
其夫號泣不忍去賊因並釋之夫婦獲兩全後並  
享高年善終焉

清

何氏昆廩生王業弘妻年十八適弘結褵甫七載弘  
卒遺子元愷纔二齡氏哀痛呼籲卽不欲生公姑  
勸其撫孤乃止教子食餼守節四十餘年康熙三  
十二年旌

李氏邑人王文興髮妻也本儒家女年二十歲夫亡

遺子八齡時丁奇荒室無儲氏備嘗艱苦課子讀書入庠享年八十餘公舉待旌

孫氏邑人趙序妻年十五歸序未三載夫亡以死自誓數載不歸寧惟求立嗣及得引拜呼主前曰爾今有後余事畢矣乘間投繯死始知向之隱忍不卽殉者爲夫後計也有司旌其門曰貞烈可風

邊氏生員堵天章妻年二十一章卒遺子之峻甫三歲舅姑俱亡孤苦零丁值明季兵火蠶起水旱頻仍家計一貧如洗氏勤紡織教子之峻成名登賢

書壽七十三歲終署縣令成袞表揚之

楊氏邑庠生盧濬生妻原武宦禮部精膳司主事  
楊公次女年十四適濬濬吾邑臺中禹鼎公長子  
生而穎異讀書過目成誦甫垂髻入庠初試輒冠  
軍偶感症不治歿時氏年僅十七子女俱無兩爲  
投繯翁姑救勸始隱忍作未亾人爲夫立嗣子彤  
撫之如己出亦以總角采芹康熙四十五年旌其

門

李氏邑庠生李維幹女適郝宦長子庠生郝黃後生

子甫五月夫故卽誓死從夫屢爲投繯皆爲家人  
救免其姑朝夕伴之諭以撫孤免絕夫嗣乃止及  
子隆錫年十八入庠乃祖卧灘公且悲且喜曰吾  
兒爲不亡矣守貞裕後實難泯焉

趙氏邑庠生裴席珍祖母祖名從善娶趙未幾故珍  
父方四歲氏年未三十堅貞苦守五十一年終守  
憲王公邑宰謝公俱蒙給扁曰操凜水霜

李氏邑廩生游省政妻十七歲適政僅四載卽作未  
亾人一子止一週矢志守節至今子孫森立

單氏邑庠生王正統妻以冠軍入泮未一載卽故時  
單年方十九無子惟遣數月女笄獨無依歷明季  
庚辛之變兵荒相繼不以患難流離改其操后文  
長適吳氏吳亦單寒家也勉壻課甥元英讀書得  
采芹享年八十一終

裴氏年十九適陳夫亾遺子僅十日公姑皆年六十  
餘家無擔石氏曰昔人云烈女不再適况有子余  
豈效離隄輩事二夫乎遂勤苦十指養親教子及  
子璧入庠氏之苦節三十餘載矣

吳氏生員馬文奎妻奎故吳年方二十遺子觀僅二  
齡時方飢饉或有勸之改適輒引刀自誓苦守子  
入庠至八十而終

蕭氏邑民趙儒妻年二十二夫卽亡遺子起震至四  
十歲又亡氏時年已六十餘老年喪子偃僂悲病  
撫其弱孫猶及見其成立而終壽八十三歲

曹氏王家儒妻十八歸儒結褵未久儒病故尙未有  
子後舉遺腹子瘡氏艱苦百端撫養成人守節四  
十餘年康熙五十四年旌

孫氏邑民謝君祿之妻封邱縣孫道貫室女年十九  
子歸闕四載君祿病故氏年二十二歲上下無依  
數不欲生又念己身無出恐若敖鬼餒取猶子衍  
嗣繼守節四十餘年公舉節孝乾隆元年旌

王氏生員王克先室女邑人楊來鳳之妻于歸十三  
載夫故氏年二十九歲無所出栢舟自矢誓死不  
二曰吾有侄可依其與吾子奚擇哉與弟吳氏同  
撫孤侄仲震教之讀書午夜不輟遂登丁酉賢書

旌  
二十二年旌



吳氏邑人吳效堯室女楊來鳳之妻也十八子歸結  
禱五載生一子而來鳳故氏哀慟過甚絕而復甦  
者再誓欲死殉翁姑以撫孤勸乃止踰歲伯兄來  
鳳亦以病故與孀嫂王氏同心竭力上事高堂以  
孝聞令弱子仲震就學讀書有丸熊畫荻風震早  
年遊泮食餼旋登丁酉賢書人以爲雙節之報云  
乾隆二年旌

婁氏毛光緒之妻原武婁先兆室女結禱未久光緒  
物故氏矢志不渝苦守四十餘年上事翁姑下撫

弱子始終一節乾隆四年旌

孫氏舉人王廷銓之妻十八于歸奉事舅姑克盡婦道夫勤該氏績紡佐之遂登壬午經魁旋卒氏年未三十一慟而絕誓不欲生又念幼子無依含痛作未亡人三十餘年及子穎成立無病而逝乾隆五年旌

王氏邑人尹進德之室緒禱四載育一子俊進德病故笑哭子立寡母孤兒形影相弔迨後延名師以教讀勤紡績以治家子俊采芹食餼膺歲薦氏守

節六十餘年乾隆五年旌

魯氏邑民李之耀妻魯盡孝之室女也于歸十載生一子方七歲而之耀卒又無伯叔可依氏携幼子紡績度日雖冱寒盛暑未嘗少輟及子寧邦成立一孫聘亭庠生曾孫三勵劬勩同時遊泮人以爲節孝所感云乾隆六年旌

刁氏廩延刁之後之室女邑庠生劉炳之妻也生而端莊寡言笑十九歸炳越十年而夫故四子俱幼且有繼姑在堂氏力爲操作事孀姑以孝聞訓四

子以讀書凡甘脆之資束脩之費俱出紡績針紉之餘及仲子其縻入庠而身故遺妻堵氏法姑勵節弟妻張氏亦青年守志其節孝所感化可概見矣雍正七年奉

勅建坊旌獎

段氏邑民段志室女毛羽彌妻也年二十歲彌亡一子方彌月代上事公姑下撫遺子苦節三十餘年公姑歿後衣衾棺槨悉得之紡績所餘公舉節孝

乾隆七年旌

劉氏武生趙晉妻中牟縣生員劉名儒之室女也年  
十六于歸晉結褵十一載晉卒氏年方二十六歲  
栢舟自矢始終無渝事翁姑養生送死各盡其禮  
撫養二子成人延名師教孫天德入庠乾隆七年  
旌

單氏縣民吳際雲髮妻單其祥之室女也十八歲于  
歸其夫善病氏誠心拜禱加意奉侍人稱賢媛際  
雲病故氏年方二十九歲一痛而絕欲以死殉繼  
念姑年老二子幼遂收淚強起以婦代子以慈寓

嚴姑歿哀毀骨立盡婦道因貧不能葬晝夜紡績  
營辦喪具舅姑得安窀穸生養死葬兩無愧云二  
子世法世長成立壽七十餘歲而終乾隆九年旌  
牛氏本縣民李謙之妻與李輝相比而居值謙外出  
輝窺氏姿色夜半入其室而逼之民以死相拒輝  
斲而遁比謙歸氏曰此身不可以奉箕帚矣所以  
不死者以待君歸也因以輝告謙赴縣具推而民  
已投繯矣後擬輝以絞氏得旌獎焉

婁氏原武婁先慧室女邑民張汝才之妻也十七于

歸十九歲稱未亾人一子甫踰八月矢志堅貞之  
死靡他上事公姑下撫遺孤苦守三十餘年其子  
燦煜入庠學憲張扁之曰冰操裕後

靳氏邑民張芬妻生員靳補袞室女十七適芬二載  
夫亡痛絕復甦引刀斷其一指曰如懷他心有如  
此指也遂擇本族嬰兒養爲己子事舅姑以孝聞  
迄今子孫繩振學憲張以貞同截臂四字旌之

李氏本縣民竇萬壽之妻壽亡年未三十家業蕭條  
飲食不給氏冰蘖自矢始終一節苦守五十餘年

學憲張旌之曰金石盟心

李氏邑人張倫之妻十九喪偶每欲自盡姑晝夜勸慰因擇胞姪素行養爲己子撫育教誨以承夫嗣督學院旌之曰清貞勵志

費氏邑民趙振世之妻費芳金之女也生而端方言笑不苟十七歸趙育一子而夫故家道寒薄又無

伯叔可依紡績縫紉以供孀姑姑亾附身附精力爲營辦又爲子國璧授室生子稱未亡人已四十餘年學憲張以閨閣完人四字旌其門



劉氏楊玉復妻年二十適五復四載而夫亡遺子甫  
一歲女僅三月煢煢無依室如懸磬氏抱弱女撫  
孤子日以織紡爲業守節始終無渝後子旺成立  
女子歸氏身享高年鄉人咸謂其苦節之報云

莫氏儒童李琰妻年十七歲適琰僅五年夫亡氏年  
二十一歲生一子氏守節四十二年子克成立獲  
含飴之樂而終學院旌其門曰王節蔣孝

楊氏宋梅妻鄉耆射斗女年十八歸梅二十五歲梅  
亾遺孤四歲且田僅數畝伯叔俱無氏矢志守節

上事翁姑下撫弱子織紡爲業勤儉持家長孫有  
勇曾孫士龍俱遊泮壽六十八終學院旌表曰撫  
著中壺

李氏祁國產妻子歸六載夫亾遺孤萬璽三歲氏矢  
不貳之志勤織紡以養翁姑秉義方以教弱子及  
嵩成立仰體母意好善樂施署縣令涂以施濟爲  
懷旌之而學院張亦給扁旌氏額曰冰志霜操

趙氏賀瑄妻結褵未久卽失所天父母欲奪之卽于  
夫之柩前縊焉有傳見藝文

朱氏祥符縣舉人朱默齋女十四歲適陽武馬之騏

至二十一歲騏亡遺孤建極方二歲族叔朱某憐其少寡微諷再醮氏卽竣言拒之旋袖刀欲自盡叔不敢復言氏遂與叔絕勤織紡奉舅姑教子從學建極弱冠入庠旋食廩餼氏年八十四歲卒

史氏本縣民杜懷瑜之妻也十七歲于歸夫病故時氏年二十一歲子蘭年方三歲氏矢志靡他上事翁姑生事死葬無不盡禮下有弱孤教以勤儉守節三十九年白首完貞人共賢之

高氏本縣人李廷佐之妻生員高凌雲之女年十七  
于歸結褵六載生二子而廷佐病故氏矢志靡他  
迨長子世爵弱冠娶謝氏而卽歿次子旋亦病亡  
一門之內止姑媳二人共勵節操擇姪孫繼世令  
繼謝氏守節三十三年待旌

婁氏儒童李其蘭妻原武婁延岫室女也年十七孀  
於蘭結褵四載蘭亡氏年二十一歲遺孤潤身甫  
二歲氏哀痛過甚幾欲自盡因姑以存孤勸解乃  
止姑二目素有疾舉步艱難氏侍左右朝夕不離

翁亦重聽多病氏以媳兼子奉養維謹潤身幼弱  
幾難成立氏百方撫育之得以成立入庠

劉氏本縣民李廷楹之妻廩生劉在廷之女十九于  
歸越六載而夫故子女俱無痛絕復甦因念己身  
無出致夫嗣墮絕罪爲尤甚擇侄如楷承繼事翁  
姑以孝聞教嗣子勤儉八十五歲而終守節六十  
年

趙氏劉廷琦妻楊氏劉廷珠繼妻廷琦娶趙氏甫二  
載生子鏡纒數月而廷琦亡時趙氏年十八廷珠

先娶生員吳統緒女生子燧養未週歲吳氏亡再  
娶楊氏僅一載而延琮亡時楊氏年十九二氏共  
勵苦節不以浮言易志娣姒愛敬從無勃谿之聲  
現年趙五十四歲守節三十六年楊五十三歲守  
節三十四年一門雙節誠足以維風化

賀氏原武縣生員賀士良女本縣劉汝翼之妻年十  
六來嬪越二載生一子成章方數月汝翼病故氏  
哀痛不食誓以死殉又念公姑年老弱手無依遂  
忍感作未亡人備歷艱辛現今五十二歲守節三

十三年子成章國學生

孟氏本縣生員馬克念之妻新鄉縣生員孟鏞之女  
年十七子歸結禍十載克念病故氏一慟幾絕繼  
思己身無子恐絕夫嗣立夫兄第三子恪爲己子  
教以讀書入庠守節三十七年

夏氏生員楊其休之妻年十八子歸家貧紡績供夫  
讀書夫獲入庠越十載其休病故氏年二十七歲  
柏舟自矢奉舅姑克盡孝道立嗣子不絕夫祀卒  
年七十六歲守節四十九年

于氏本縣民李重倫之妻年十九于歸畢姻九載生  
二子而重倫亡時氏年二十七歲痛哭欲殉又念  
姑年漸衰無人奉事二子在襁尚須撫養遂稱未  
亾人困苦百端自食其力今年六十四歲守志三  
十七年二子成立子孫繁盛

張氏生員劉可遠之繼室張其義女也十八歲于歸  
時前子方二歲氏撫之如己出未幾遠沒氏矢志  
靡他上事翁姑務期得歡心下撫孤子以慈兼嚴  
子敷文少年補弟子員錚錚士林中人皆謂母氏



陶成之力守節三十七年

申氏延津縣生員申巽國之女本縣廩生馬克振聘  
爲繼室于歸時方二十歲氏名門女夙明大義比  
入門姑素患癱症氏朝夕上食悉執婦道處妯娌  
怡怡無間言有前子一女二挑燈課女丸熊教子  
甫八載振染疾氏籲天祝禱願以身代振卒氏年  
二十八歲守節四十九年而終

王氏鄉賢紹素女年十五于歸鄉進士堵之磐爲繼  
室廟見後事翁姑孝謹撫前室子女不啻己出之

磐歿越十八日生遺腹子麟宗時氏年二十三歲  
年荒河決備歷艱辛訓課諸子或膺選貢或游成  
均諸孫曾隸膠庠食廩餼登歲薦者踵相接人以  
爲苦節所致云

蘭氏生員燿之女邑人高國正之妻也正早亡氏年  
十七歲子女俱無誓不改適事公姑望色承顏能  
得歡心逮叔一元生子卽養爲己子青年苦守今  
經四十六年學憲張給扁旌獎曰矢志靡他

黎氏邑人黎毓秀之女李天叙之妻也十七歲子歸

越十年天叙病故家貧無可爲養三子俱幼氏且  
不再食燃樹葉以照紡績艱苦百端撫養三子成  
人皆能勤儉立家人以爲節孝之報云

唐氏祥符縣民唐愷之女邑人李永壽之妻十六于  
歸結褵十載而永壽亾氏年二十五歲子士岐方  
九歲士幹一歲家貧無養氏紡績縫紉以事翁姑  
及士幹娶孟氏亦二十而歿孟年十九誓不改適  
曰吾姑何如人也婆媳相守共勵清操唐七十歲  
卒守節四十五年孟令四十九歲守節三十年

趙氏邑監生張剛銘之妻年十八子歸張門生一子  
纔數齡夫病故氏年二十五歲哀泣誓節翁姑在  
堂幼子在抱養生送死克盡婦道教子成立卒年  
五十九歲守節三十三年

張氏毛一鳳妻年十九適一鳳事舅姑以孝相夫子  
以勤越七載鳳亡氏悲慟旬日哭不絕聲姻戚勸  
之曰汝夫無子現今懷娠倘生男毛氏之脉不斬  
何涇涇乃爾氏善其言踰月果生子珩母子相依  
孤苦零丁守節四十三年卒閭里咸謂其節孝雙

全

毛氏邑民朱國瑞之妻年方二十國瑞病故遺子鴻  
統方一週氏織紡爲生撫育成人娶張氏而統又  
亡寡母弱媳無可爲養長孫甫二歲次方彌月零  
丁孤苦行道傷心卒能並勵冰霜姑娘媳相守毛年  
八十一歲守節六十一年張年五十一歲守節已  
三十年侄續緒早逝遺妻高氏亦清苦守節人以  
爲得之觀感云

章氏邑人章慎思女張繼緒之妻也于歸二載繼緒

物故氏子女俱無誓不改適養侄爲嗣未幾又亡  
氏孑孑無依之死靡他今已四十七年學憲張給  
扁旌獎

萬氏封邱縣監生萬登龍之女邑人王言士之妻也  
十七子歸越二載吉士病故氏年一十八歲無子  
養姪化龍爲子紡績織紉晝夜不輟苦守已三十  
餘年

魯氏本縣張承綸之妻祥符進士魯鑄長女十八適  
綸三載而夫亾無子撫侄國鉉爲子守節四十年

卒銚妻焦氏廩延士族女于歸八月銚卽世感結  
之節亦以柩舟自矢今五十一歲守節已三十年  
魏氏王淵妻十八歲適淵十九歲卽稱未亾人子女  
並無以紡車營運奉高堂務得歡心未幾翁姑相  
繼亡氏殮葬皆如禮現今六十四歲守節四十五  
年

彭氏生員林之女梁煒之妻也適煒九年卽稱未亡  
人事公姑以孝稱性好儉素紡績之聲晝夜不息  
教子維新讀書早遊泮水至今七十三歲守節四

十八年

張氏邑人趙書紳之妻也十八于歸越七載書紳病故遺孤二長方三歲次一歲氏矢志堅貞誓不改適事公姑克盡孝道撫育二子成人今已五十五歲守節三十餘年

劉氏生員岱之女靳祥雲之妻也于歸一載卽喪所天時年一十八歲公姑恐其難守氏默喻其意以香塗面執刃剪髮誓不他適事公姑以孝聞撫之侄際豫爲嗣迄今已七十歲苦守五十二年學憲



張旌共閭曰閨節永傳

趙氏原武生負趙彩之女二十一歲歸邑人何永新  
爲妻新卒氏卽欲殉姑嚴伺之不果後殯夫歸乘  
間投繯有傳見藝文

李氏廩生馬克生妻廩生李立之女也十八歸生越  
九載夫故氏欲殉又念身無所出夫嗣不可絕遂  
忍戚作未亡人謀于族得堂侄宜以繼夫嗣延師  
督課早入邑庠壽八十二而終守節五十五年克  
生晉之子世名之孫綽有文名

柳氏新鄉生員柳孳模女歲貢生劉元檜妻也于歸  
九載元檜病故氏年二十七歲公姑俱亡子尙幼  
氏力爲操作延名師教弱子名列雍中今已六十  
四歲守節三十七年

蘭氏張國銓之妻十六于歸結褵三載夫故遺腹生  
子洙矢志不渝上事公姑下撫弱子孝慈兼盡人  
稱其賢歷七十一歲守節五十年學院張旌具門  
曰共姜媿義

王氏本縣儒童游良佐之妻原任新淦縣知縣王業

隆之女生而貞靜十五歲適良佐結褵十四載夫  
故氏年二十九歲事翁姑曲盡孝道子得運方四  
齡氏苦志守節教訓成立弱冠遊泮旋以病故妻  
孫氏年未三十有子尙幼姑媳同矢栢舟幾二十  
年孫氏謝世王撫孫履嵩入庠享壽八十歲守節  
五十餘年

李氏邑民吳祚成妻也祚成早逝氏年二十一歲生  
子元敷甫一週誓不改適逮子長成娶曹氏生二  
子而敷亦亡姑媳相依紡績度日撫養弱孫以延

夫嗣歷五十二歲守節三十一年

王氏羅山縣訓導王詢之女監生劉永裕之妻子歸時氏年十九結褵四載並無子息永裕病亾欲殉焉又念宗祧爲重遂取猶子家振過繼時氏年方二十三歲委曲撫養至于成立守節四十六年六十九歲而卒

胡氏邑人板興彥之妻也來嬪三載興彥病故氏年二十二歲遺孤尙在襁褓諸叔亦皆未娶氏織紡縫紉力爲操作爲板氏立門戶後三叔皆爲婚

一子長成教以勤儉亦能立業壽七十而終守節四十八年

方氏孫進妻十八歲適孫門越九年進卒氏年二十  
十歲以夫兄達第四子鑾鳳爲嗣守三十年鑾鳳  
又病故遺妻蔣氏亦以苦節自誓蓋得之觀感者  
深矣

穆氏獲嘉生員生榮之女監生趙繼緒妻也十四子  
歸越十載夫故二子尙幼氏上事翁姑下撫遺孤  
皆入國學守節四十餘年學憲張以節勵閭風四

字獎之

汪氏本縣民王奇善之妻年十八于歸奇善病故氏二十九歲生子玊尙幼氏誓死不渝上事翁姑養生送死兩無所憾撫養幼子成家立業苦守四十餘年鄉黨公舉節孝縣令宋匾其門曰松寅冰椽

蘭氏邑人賈銘之妻于歸四載銘亡一子方三歲氏冰蘖自矢誓不改適撫子成人爲之婚配現今六十歲守節已三十八年

吳氏邑民郝鵬翮之妻年二十三歲夫亡于純方一

歲氏上事公姑下撫遺孤苦守二十餘年爲子娶  
張氏未生子而純又故煢煢孤立姑媳相依又一  
十四年吳以六十一歲而卒張氏痛絕復甦泣曰  
吾所以不死者以有姑在也今姑已亾何用生爲  
日夜痛哭卧疾數月而卒聞者哀之

李氏邑民牛現慶之妻二十四歲而寡子呈瑞方三  
歲氏撫育成入娶鄒氏生一子而呈瑞又亾李與  
鄒同志相守紡績度日逮二孫長成克立門戶李  
年七十四歲而卒守節五十年鄒亦苦守四十二

年七十歲而終

朱氏邑民白璧之妻結褵一載卽失所天時氏年方十九子女俱無又家計窘迫衣食維艱氏紡績度日奉養公姑以夫兄白欽子爲嗣撫養教誨得入邑庠歷五十一歲守節三十二年

張氏邑民劉永泰之妻于歸一載夫亡遺腹產一子誓不他適事公姑以孝稱撫弱子成人迄今五十九歲守節四十一年學院張福其間曰宗節全孝

李氏張國鈞妻十七歸國鈞年餘鈞亡遺孤養



月氏以存孤爲志荼苦備嘗守節已三十一年

王氏生員曹瑞之繼室于歸九載氏年二十七歲瑞卒無所出栢舟自矢誓不他適遂撫前子如嵩成人娶蘭氏嵩亦病故遺腹子健蘭感姑之節共勵清操迄今各三十餘年

毛氏武大成之妻于歸時氏年十四生子克諧僅週月夫故氏年二十四歲痛哭幾死撫藐孤成立守節五十餘年現今八十一歲

賈氏邑人賈俊之女毛鵬之妻也十七歲于歸甫一

載而鵬之故氏痛絕而甦以姑無奉事之人含淚而起時氏年十八竭力事姑定省之儀未嘗或缺迄今五十二歲守節三十三年

王氏貢生王元禮之女本縣曹五庸之妻年十九于歸五庸病故時氏二十二歲又乏子嗣遂擇夫兄茂遠之次子爲嗣延師課讀家聲不墜現年五十六歲守節三十五年

張氏生員張令德之室女邑人趙蓋之妻十六歲于歸結褵七載夫故氏年二十二歲痛哭欲自盡又

念舅姑在堂非畢命之時遂強起奉事高堂雖室如懸罄而勤紡績以奉雙親始終不懈守節四十年公舉節孝學院張旌之曰苦節永垂

張氏邑民李世臣之妻十七適世臣八載而夫故一子永貴甫六歲氏織紡度日撫養成人延師教誨方遊泮水而故遺妻黎氏感姑之節亦以栢舟自矢生一子完婚二載又卒黎氏與姑張氏同養弱孫張守節五十七年八十一歲而終黎今七十七歲苦守已五十六年

婁氏邑民趙鍊之妻夫亡時氏年方二十三歲因無所出以嫂張氏之次子爲嗣撫養成人以繼夫後守節四十二年學憲張扁獎之曰井水無移

曹氏邑民堵儀宗之妻也十九于歸越六載而宗故一子才二歲氏苦節自甘紡績不怠上事公姑下撫遺子今已八十歲

李氏邑民夏璧之妻璧故氏年二十五歲一痛幾絕誓欲捐生公姑以存孤勸乃止守節三十餘年教子景成入國學五十八歲而卒

盧氏學博濟生長女中書薛善士仲子廩生坦之妻

也年十八歸薛生一女而坦卒時公姑早逝獨

無依又乏應嗣之人其堂叔國士遠居祥符氏欲

其仲孫爲嗣弗許會坦之執友應試大梁者聞其

事爭携其子以歸氏艱苦百端撫養成入爲之婚

配且歷舉大事殯葬者凡七喪鄉黨咸稱重之

郝氏邑民劉永福之妻也十七來嬪越四載而夫亡

祇育二女公姑恐其難守氏曰吾有姪在何致餒

若教之鬼遂以姪爲嗣身任操作爲劉氏立門戶

諸娣姒無不心服守節三十餘年

王氏王之苞女本縣人費振之妻年十七于歸倡隨  
三載生子志學甫三月夫病故氏誓不欲生既念  
孀姑無依穉子在抱遂忍痛以事孀姑姑歿盡哀  
盡禮撫穉子成立教以勤儉克成其家迄今五十  
三歲守節三十四年

彭氏李宏中妻年十九歸宏中越三載夫亡遺腹生  
一子家貧翁姑老氏矢志靡他上事雙親下撫弱  
子延師教訓皆以織紡佐之現今守節已三十三

年

魯氏本縣民王天賢之妻也年二十歲于歸二載天賢卒一子振尙幼氏養親撫子苦守三十三年

冷氏本縣庠生邢俊傑妻冷嘸之女也年十六于歸伉儷六載夫亡氏矢志守節又念己身無出遂謀於族人選近支邢綸爲子以繼夫嗣歷五十二歲守節三十二年

張氏儒童王滂妻年二十適三門踰三載滂亡生一子尙未週氏哀痛誓節撫孤事親孝慈兼至處妯

娼間無詬誶聲現年六十二歲守節已幾四十年  
林氏李順昌妻夫亡時年方二十四歲姑老家貧四  
壁徒立生一子甫一週氏以撫孤奉姑爲志誓不  
再醮日夜紡車不輟資以養育守節三十八年壽  
六十二歲卒

劉氏馬俊彥之妻彥亡氏年二十三歲一子太文纔  
二齡舅姑俱老氏勤紡績備甘旨下撫孤子成立  
現年六十九歲守節四十六年

張氏貢生張奪錦之女邑人朱玉京之妻也十七于



歸甫一歲而京病故氏痛欲偕亡念有遺腹思爲  
後計三月後產一女許字婁姓旋亦死亡氏紡績  
自甘孝事公姑守節四十餘年以壽終

吳氏胡越妻十七適越夫亡氏年二十二歲生二女  
無子氏誓不改適現今五十二歲守已三十年

婁氏故民胡普輝之妻也十八于歸二載普輝卒遺  
一子甫彌月以死自誓守節三十年撫子金智成  
立入國學

張氏曾國安妻二十于歸生一男夫故氏年二十五

歲紡績度日撫育成人事舅姑以孝聞孀居五十三年現今七十七歲

孫氏堵展宗妻宗故氏年二十六歲遺子二皆幼矢志自守孝事公姑育子成立人欽完節

張氏邑人劉元梧之妻十七子歸一載而梧故無所出氏矢志不二侄永均方數月卽養爲己子撫育教誨至于成人守節三十年始終如一

鄭氏邑人陳自新之妻新亡氏年二十五歲長子殿方七歲次埴方四歲氏紡績度日撫之成人苦守

四十八年而終

母氏毛羽充之妻十七于歸充故氏年二十一歲子  
維新方在襁家計寒薄紡績爲生現今五十五歲  
守節三十五年

史氏馮財妻財亡氏年二十五歲一子尹方週苦志  
撫養長爲之婚尹又死亡其妻遺腹生一子而改  
適氏又撫育弱孫今已成立矣現年六十歲守節  
三十五年

李氏魯人天鳳之女張廣策之妻榮亡氏年二十五

歲一子玉璽尙幼家貧無養氏播礫土煎熬令璽  
貴賣以度日後子長成能立家業現年七十歲守  
節四十五年

賈氏邑民董元緒妻緒亡氏年十九一子甫一歲公  
姑年老氏冰霜自凜上事雙親下撫遺孤苦守已  
三十年

論曰港方生上貞女解云守節窮居五十餘年蓋草  
萊之婦人耳師心率已蹈茲四德而彤管未輝令  
聞不彰非所以表賢崇善激揚貞風可見松筠冰

雪歷久逾芳不必石化城頽方悲寡鶻者也棹楔  
崇封或多遲待茲爲廣徵確攷以著苦節之貞云  
爾

隱逸

明

馬羲文大賓保人早年失怙居鄉以孝友稱婚喪悉  
遵家禮人咸效之由貢任寧國丞能善其職恥于  
奔趨遂解職歸閉戶讀書慨邑志殘闕留意蒐輯  
手錄成帙邑志之有考實賴公之遺也

清

主夢麟字振公號遇麒永祚子雍正間以賢良方正

薦

召廷試奏對稱

旨發山東以知縣試用時高唐州牧驛站廢弛將被劾

檄公往查州守使人逆之竟上公弗與見知其誣

卒直之署齊河丞適霖雨傷稼大飢委公查勘坐

木板浮泥水中行二十餘日繪圖上告得發賑谷

一萬六千石後解軍餉三十萬于西陲任重途遙

遂染病歸杜門家居不預外事徜徉林泉以終身  
子寅登乾隆辛酉賢書

論曰仕而顯者治世之材也隱而逸者風世之品也  
誰謂世有建功樹業之人而可無激流枕石者乎  
編中所載諸賢莫不高躅辭榮恬懷嗜古閒閒十  
畝間不勝景仰之思焉寧止黜浮崇實已哉

方技

明

溫炳邑博士弟子員束髮好道有羽衣客蒲團塵尾

飄然相訪語洽甚羽衣忽語曰某年月日子有堂  
上喪且二豎子爲祟不利試專能平子患者我也  
子其遷我蘇門之安樂窩炳聞羽容言窅形于色  
羽容去及期一如羽容言炳病甚支雙木行立需  
人思羽容語命僕輩三四人舁往蘇門仲子孔堂  
從至則荒榛塞徑徧訪所謂羽容者無有也日將  
夕徘徊四顧一童子持小鑿斲薪就之具言所以  
童子曰吾師也通賦遠遊不知所往遂出背所負  
細腰葫蘆似草莖探之得藥如黍米曰子有緣人



也解腰間瓢使使者取泉水服下炳心哂謂吾噉藥汁數斗不能減毫髮何物童子欲以黍米起痿痺乎難拂其意姑服之童子去藉草眠覺則棄雙木起居如平時後十有二年病復作應門者言門外有老黃冠賣藥至啟視之則丸也色正赤爲數二十四炳伏枕語孔堂曰是聞吾蘇門事而效顰者兒輩供伊一飽食可耳棄丸几案上垂危諸子女泣勸服服之四肢痛不可忍出汗淡襪被病復平時本縣爲少尹精柱下言炳與之往來無間壽

七十二無病卒

盧橘邑庠生習周易精邵子數能知死期預於十年  
前語長子斗望曰吾壽當盡於某年月日望不謂  
然迨卒之日全無病色五更時呼望起宜備後事  
望猶不謂然也云欲赴縣集市橘曰汝勿徃徃則  
不相見也囑以後語自命役設床于庭沐浴衣冠  
叩天地祖宗畢寢床上日午正而逝于前所云死  
期一無所爽

小北街劉大子生而顛狂里人呼爲傻子立雪中雪

融離身丈許嘗渡黃河立水面去嘉靖中河溢水  
浸城腹有黥者給令浴劉氏子卽從女墻翻身墮  
旋渦黥謂其必死已而手持銀一錠自怒浪中出  
又嘗夜眠井底周藩聞其異物色之給一牌令所  
至人供養焉凡供養之家其日獲利數倍人爭迎  
之一日與遊脚僧十餘人羅而梵唱者數日忽失  
所在

清

張世勲字柱標汲縣人年八十爲本縣訓導言人休

咎多奇中一日過諭署逢一斗役名吳璧者驚之  
曰汝速歸家役言該直歸恐見責勲遂言于學諭  
吳令其速歸遲則不能至家矣吳笑而遣之移時  
忽有斗役自外入言璧歸家而死此亦一異事也  
論曰方技家載槁可莢驅羝可立見鼎器而詳爲相  
寢摩銅人而記其鑄年雖近物怪亦方外者所樂  
道也邑無聞焉僅存一二駭見聞之事以備好異  
者之採擇